

ELCPNG meri igat tingting long kamapim nupela piksa bilong wakabaut

Written by Jacob Barka

Thursday, 14 April 2011 02:53 - Last Updated Thursday, 14 April 2011 06:03

Long wankain taim Yut Divisen ibin bung, Meri Divisen tu ibin holim wanpela bikpela bung bilong ol tu long Lae. Olgeta Distrik Hetmeri ibin kamap long dispela bung long lukluk long dispela nupela piksa bilong wakabaut bilong ol. Dispela nupela bikpela piksa bilong wakabaut em igat dispela nem “Luteran Meri Federesen”. Insait long bung sampela het meri i soim tubel bilong ol long dispela nem na straksa wantaim het tok. Mrs. Epe Naremente bilong Ukata i soim tingting olsem het tok i mas sut long “Wok Helpim” insait long tok bilong God.

Sia Ledi, Mrs. Fungke Samana, i kliaim tok bilong nem “Luteran Meri Federesen” olsem; bungim olgeta nem insait long ELCPNG Meri grup kain olsem “Yaungoka” bilong Kote, “Gejamsau” bilong Jabem, na “Dignafain” bilong Madang, long representim ELCPNG meri long outsait long soim Identity. Em tok tu olsem Goal bilong dispela tingting bilong nupela piksa bilong wakabaut em igo wantaim bikpela tingting driman bilong sios bilong yumi (Visen 2020). Tasol sampela hetmeri i tubel yet long dispela nem, long wanem, pasin na rot bilong wok bai igat hevi. General Sios Sekreteri, Mr. Albert Tokave wantaim Dipatmen Sekreteri bilong Gutnius Dipatmen, Rev. Binora Yunarec ibin bung wantaim ol dispela lida meri bihain long bung bilong ol na givim sampela bikpela toktok pinis long ol dispela lida meri. Depatment Sekreteri bai bringim dispela tok igo long June Sios Kaunsol long lukluk na skelim na givim stia.